



Reglanan di seguridat pa stand nan di kuminda

1. Rònt di e standnan mester tin e posibilidat pa den kaso di un kandela e personanan ku ta traha den e stand por sali na un manera safe.
2. E salidanan di emergensia semper mester ta liber di tur opstákulo.
3. E distansia mínimo entre dos stand ku ta kushina mester ta 3 meter.
4. Instalashon di gas mester ta safe. Tur slang mester ta special pa gas i e slangnan mester ta pega tur dos banda ku klèm.
5. Ta prohibí pa usa bòternan di gas di 100 lbs / 50 kilo pa kushina den e standnan aki .
6. Ta prohibí pa pone e bòternan di gas den e stand.
7. E bòternan di gas mester ta pone kaminda tin suficiente ventilashon .Nan mester ta para i pone di tal forma ku den kaso di kandela nan por wòrdu kita rápido.
8. Promé ku usa e stof mester kontrolá e instalashon si no tin eskape di gas.
9. Ta prohibí pa usa kerosin komo kombustibel pa kushina.
10. Kaminda ta kushina no por tin kortina, paña òf adornonan ku por pega kandela
11. Instalashon di koriente den e stand mester kumpli ku e reglanan di seguridat.
12. Tur stand di kuminda mester tin un aparato pa paga kandela di **minimo 5kilo òf liter** kologá bon visibel na muraya.
13. E aparato pa paga kandela mester ta di kùr no mas bieu ku un aña.
14. Tur hende ku tin un stand mester sa kon pa usa un di e aparato pa paga kandela aki.
15. Den kaso di kandela e manehadó ta obligá di yama brantwer na **911 of 7178580** i despues trata na paga e kandela.
16. Tur manehadó di e standnan aki mester wòrdu pone na altura di e reglanan aki promé ku dia di e evenemento.
17. E Komandante di Brantwer por kambia e reglanan ariba menshoná òf por buta reglanan nobo aserka si ta nesesario.
18. Òrdu duna dor di funshonarionan di brantwer òf Polis pa ku reglanan di seguridat mester wòrdu sigui.
19. E standnan ku no ta kumpli ku e reglanan ariba menshoná lo wòrdu sera te na momento ku nan ta kumpli ku e reglanan
20. Standnan ku ta hasi barbekiú i ta usa karbon por hasi uso di awa pa paga kandela enbes di un aparato pa paga kandela.

Brantwer ta deseá tur hende felis dia di Boneiru